

# Txirritola

ARAMAIO / Eguaztena / 2002ko uztailaren 24a / 35. zenbakia

KOORDINATZAILEA: Ubane Madera • Otolara Lizentziaduna 31 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com

## Babes ofizialeko etxebizitzak berbagai osoko bilkuran

UBANE MADERA

**Babes ofizialeko etxebizitzak egiteko beste pauso bat eman du Aramaio Udalak. Halaxe jakinarazi zuten atzo egindako osoko bilkuran. Horrekin batera, zenbait auzotako lanak ere aztergai izan zituzten bilera horretan. Oporrak direla eta, Udalbatzarraren hurrengo bilera irailaren 18an izango da.**

Opor aurreko azkeneko bilkura izan zuen atzo Udalbatzarrak, eta gai-zerrenda luzea zuten aztergai, gainera. Tartean, herriarendako interes handia dituzten gaiak. Adibidez, babes ofizialeko etxebizitzaren gaiarekin lotuta, urbanizazio proiektua egin baino lehenagoko pausoa eman dutela jakinarazi zuten atzoko batzarrean. Horrek esan gura du, seguruenik irailean urbanizazio proiektua egiteko

hurrengo pausoa eman ahal izango dutela. Hortaz, Aramaion babes ofizialeko 44 etxebizitza egiteko proiektuak aurrera jarraitzen du.

Horrez gain, zenbait lan ere berbagai izan ziren batzarrean. Esaterako, Oletako saneamendu eta bidea zabaltzeko lanekin lotuta, diputazioari mailegu bat eskatzeko aukera zuten aztertze. Horrekin batera, Arexolako saneamendua egiteko eta argindarra lurperatzeko lanak adjudikatzeko baldintzak onartzea proposatu zitzaion Udalbatzarrari. Baita, Matxainen konponketak egiteko proiektua onartzea ere. Besteak beste, zubia botatzeko asmoa dute. Lanon aurrekontua 191 mila euro pasatzekoa da.

### SALAKETA

Bestalde, udalerriko arau subsidiarioak euskalduntzeko proposamena eta osasun zerbitzuak euskalduntzeko mozioa ere aztertu zituen Udalbatzarrak. Baita, herriko jaien azkeneko egunean ezezagun batek *Bakea, ETA ez zioen pankarta* udaletxetik kendu izana salatzea ere.

Edozelan ere, albiste hau idaztean bilera egin barik zegoenez, ez dakigu zein erabaki hartu dituen Udalbatzarrak.



ARTXIBOA

Babes ofizialeko etxebizitzak egiteko beste pauso bat eman du Udalak.



## Omenaldia Tellamendiri

Giro ederrean ospatu zuten aramaioar dezentek Tellamendiko gurutzera ipini zuteneko hogeita bosgarren urteurrena. 11:00ak alderako iritsi ziren gehienak gurutzera eta hasteko, Benito Nafarrate apaizak meza esan zuen, duela 25 urte egin zuen moduan. Eta gero, trikiti eta pandero doinuekin, poliki-poliki Andramari ermitarantz jaitsi ziren han batutakoak, hamarretakoa egiteko asmoarekin. Aramaioko herritarrekin batera, Arrasatetik eta Aretxabaletatik ere igo zen zenbait mendizale egun berezi hori ospatzera.

## HERRITARREN HITZA / Arantza Ibañe • Langilea

### Disfrutatu eta ondo ibili opor garaian

Irailan denok makal eta triste hasten gara, baina indarberrituta, gehienetan. Orduan asmo barriak kontatzen hasten gara: yoga, hizkuntzak, ea. Dana da asmoa.

Gero, udazkena eta berarekin: arropa barria, katarrorako bakunak, depresiorako pilulak eta ah! kotxea erosteko eskaintza zoragarriak. Eguna moztu, gaua luzatu eta hotza. Hilabete-ara danok penei adio esan! Gabonak dira eta. Turroia, erregaliak, txanpaina, bidaiak leku beroetara. Pozik eta kontent egoteko sasoa da! Hori gutxi balitz, urte barriaz, arrope merke-merke. Jakina, barriro ere autoa eskuratzeko

aukera paregabea! Atzera ere, asmo onak: erretzeari utzi, kilo batzuk galdu, uda laster dator eta, pertsona hobea izan...Eta gainera, Gabonetako tripakadak arintzeko porrusalada astebe-tez. Ondoren, Aste Santua; batzuentzako bekatuak barkatzeko baraualdia eta zigorra. Beste batzuk ordea, bakazioetara atzera ere. Udaberria da eta, neguko nekea somatzen dugu, osteria ere depresiorako pilulak dendetan, ah! eta argaltzeko! uda gainean



**"Zaindu eta bueltan elkar ikusiko ahal dugu"**

baitaukagu! Alergiak, asmetikoentzat garai eskasa.

Eh kontuz, uda agudo dator! Gertatu dituzu oporrak? *Aspaldi! Oraindik ezer ez, baina norabait joan behar dut!* Azala prestatu beharra, UVA izpiak iztarrak erakusteko, azal zuria aizu, gaizki

ikusita dago. Eta...zelulitisa? trankil denetarik daukazu tebibistako neska ederren bernak izan gura badituzu. Ah, kotxe barria beharko dozu bidaia luzea egiteko.

Azkar, azkar, bizitza motza da eta aprobetxatu!

Abiadura honekin, ailegatu gara udara! Igaro da urtebete; nola bizi behar dugun eta nolakoak izan behar dugun esanaz, aldiro bonbardeoak jasotzen, geure burua non dagoenik ere jakin barik. Zenbat lagun libratuko da horretatik? Zuentzako erantzuna.

Urtebetez gertakizun gehiagoz betetzen gara. Eta zorionez, diotsuet, urte amaieran, gauza barriak daroatzagu biyotzien. Hala bedi.

Jaun-andreok, deskantsatu, zaindu eta bueltan elkar ikusiko ahal dugu. Ondo-ondo izan zudeten lekuan zaudetela.

## LABUR

### Abuztuaren amaierarako, San Adrian eguna

Oporretara joan aurretik ezin dugu ahaztu Azkoagakoek San Adrian eguna prestatuko dutela abuztu amaierarako. San Adriango ermita berritu zuteneko ohiturari jarraituz, abuztuko azkeneko zapatuan ospatuko dute zaindariaren eguna, hilaren 31n, hortaz. Hasteko, meza izango da ermitan, 12:00etan. Gero, salda banatuko dute, musika doinuekin giroa alaituta. Eta, auzokoei bazkaria egingo dute segidan. Bukatzeko, erromeria izango da. Eguraldi eskasa eginez gero, berriz, Azkoagako elizpean izango da festa.

GIZARTEA

Oporretara joaten ez direnek izango dute zer egin Aramaion abuztuan

Auzoetako makina bat jai ospatzen dira abuztuan. Hasteko, datorren astean, Uribarriko jaiak izango dira; abuztuaren erdialdera beste bi auzotan izango dira jaiak: Oletan eta Barajuenen. Eta, amaieran, San Adrian, Azkoagan. Oletarrek 15ean jaurtiko dute txupinazoa; goizean, meza izango da, eta gero, Andra Mari taldeak dantza saioa eskainiko du. 16:00etatik 19:00etara puzgarriak izango dira umeendako, gero antzerkia, eta bukatzeko, Gardokirekin erromeria. 16an, berriz, meza ostein, Vermouth dantza izango da eta gero auzo bazkaria. Bukatzeko erromeria eta aztia izango dira. Barajuenen, berriz, 15ean meza eta Vermouth dantza izango dute eguerdian. 17:00etan, berriz, mus txapelketa Koskoltegin, 23:00etan, erromeria eta 01:00etan, txerrikume harrapatzea. 16an, berriz, auzo bazkaria izango da 14:00etan, gero, ume-jolasak eta Iñigo aztia. Erromeriarekin bukatuko dute.



HERRIKO AUZOETAN

IBARRA II

Orain dela hogeitun baina gutxiago eraikitako etxebizitzak, bainu etxea botatzearen, eta eskola, pilotalekua eta ingurabidea eraikitzearen ondorioz, asko aldatu da haren itxura, gaur egungo denboretara egokitu.

Aipatu beharreko eraikinen artean, bi nabarmendu beharko liriateke: udaletxea eta eliza.

Edozelan ere, Ibarra elizate "kalea" baino gehiago da. 36 baserri ere Ibarren barruan daude; dudu barrik, horiek izan ziren aurreneko bizilagunak, Zalgo izenarekin ezagutzen zenean. Ibarren sorreraren berri jakin gura gero, seihun urte atzera egin beharra dugu. Garai hartan, ia inor ez zen bizi Ibarren. Gogoratu dezagun, elizate izena denon intereseko gaiak aztertzeke eliza aurrean batzen zen taldeari esaten zitzaion izena dela. Udal txikiak modukoak ziren, euren mendiekin eta bide edo eliza komunekin. Hori guztia zaintzeko konpromisoa zuten guztiek. Gaur egun Ibarra dagoen tokian, eliza Zalgoko mendixkan zegoen, gaur egun kanposantua dagoen lekuan.

"Aramaioko ibarren iragana eta oraina".

Jesus Maria Elejalde

TELEFONO JAKINGARRIAK

OSASUNA / LARRIALDIAK

Osasun etxea (txandak)	945 44 53 40
Batika	945 44 50 03
Udalekoa	945 44 50 16
Ertzaintza (Arrasate)	943 79 71 99
Gurutze Gorria (Legutio)	945 45 52 52
San Martin Eskola	945 44 50 04
Taxia eta autobusak	945 44 50 33
Udal Kirolegia	945 44 53 35
Postetxea	945 44 50 83
Zuzako Eskualdea	945 43 01 67
Suhiltzaileak (Zubillaga)	943 78 28 00

AUTOBUSORDUTEGIA

ARRASATE	ARAMAIO	GASTEIZ
07:00	07:15	08:00
12:00	12:15	13:00
15:20	15:35	16:20
20:30	20:45	

  

GASTEIZ	ARAMAIO	ARRASATE
08:30	09:15	09:30
13:10	13:50	14:05
	17:00	17:15
19:30	20:15	20:30

OHARRAK

HELBURUA BETETA

Zuberoari laguntzeko taldeak lortu du bere helburua. Hau da, Aramaion 1.250 euro batu zituzten eta Pepe Carreterok, taldeko kideak, adierazitakoaren arabera, 1.500 euro batzea lortu dute. Hortaz, eskerrak eman gura diete egitasmoan parte hartu duten guztiei. Era berean, ekainaren 15ean Zuberoara egindako bidaiaren ikusitako ere deskribatu izan gura du Pepe. Hauxe kontatu digu: "Oso polita iruditu zitzaigun paisaia... baina Maulera iristean harrিতuta gelditu ginen, hiri hutsa zirudien. Hori oso arraroa izan behar litzateke hemen, hegoaldean, baina Zuberoan konkretuki industria ezak bizitasun eza ekarri die herriei, horrela, jendea Frantzia goialdera joaten da lanera eta astebururako bakarrik bueltatzen da Zuberoara. Hori ekiditeko lanpostuak sortarazi behar dira"; horra, beraz, euren ekimenaren arrazoiak.

ESKERRAK ZUEI

Oporrak datozela-eta, irailera arte agur esan behar dizuegu. Hain zuzen ere, irailaren 6an aterako da lehenengo alea. Horrek esan gura du urrian urtebete egingo duela TXIRRITOLA aldizkaria jaiotzen. Eta, aldizkari horren kazetari moduan, urtebete horretan Aramaiotik jaso dudana laguntza eskertu gurako nuke. Handia izan da, laguntza hori barik ezin izango genuke TXIRRITOLA egin. Hortaz, eskerrak asko guztiei, barkatu gaizki esanak, ondo hartu ondo esanak eta ondo-ondo pasatu oporretan.

BOTEPRONTOAN/ Oihane Perea · Aramaio Bertsolari Eskolako arduraduna

"Uste dut, eskualdeari begira, Debagoienari emateko asko duela Aramaio"

Aramaion indartsu dabilen zaletasun bat bertsolaritzarena da. Manex Agirrek zeresan handia izan du horretan, edo halaxe esan digu, behintzat Oihane Perea, Aramaio Bertsolari Eskolako arduraduna. Berarekin berbetan izan gara, hain zuzen ere, herriko bertso eskolaren gainean. Oihane bertsolari gasteiztarra da. Hamaika urterekin hasi zen bertsotan. Orain 24 urte ditu eta Arabako Bertsozale Elkartearen arduraduna da:



**Zelan iritsi zinen Aramaio?** Orain sei bat urte, Araban zegoen bertso eskola bakarra Gasteizkoa zen. Guk gogoeta egin eta pentsatu genuen beste herrietan kimuak sortzea garrantzitsua zela. Aukeren artean, Aramaio boto asko zituen, beharrezko baldintzak betetzen zituelako. Horrenbestez, hariak mugitzen hasi ginen, Udalarekin berba egin genuen eta neu etorri nintzen. **Noiz izan zen hori?** Orain lau pabost urte. Gainera, garai hartan ez nuen gidatzeko baimenik eta sekulako abentura izaten zen Aramaioarako joan-etorria egitea. **Zenbat irakasle /ikasle zarete?** Bi irakasle: Manex Agirre eta neu. Eta, dozena erdi ikasle

ditugu 11-12 urtekoak eta beste zortzi bat 15-17 urtekoak. Manexek gazteei erakusten die eta nik umei. Horrez gain, orain bost urteko eskolan Lierni Altuna, Manex Agirre eta Andere Arriolabengoa ere zebiltzan. Baina, unibertsitate kontuengatik, banandu eta orain, Lierni eta Manex Arrasateko Bertso Eskolan dira eta Andere, Santutxukoan. Azken bi urteotan neu izan naiz Arrasateko eskolako irakasle. Talde majoa sortu da Arrasaten; esan daiteke eskualdeko ardi galduak batu dituela. **Aramaion zaletasun handia dagoela dirudi...** Bai. Joan nintzen lehenengoko urtean oso zaletasun arraroa zegoen. Baina, Manexen "fenomenoa" dela medio, gazteengan zaletasuna piztu da. Handia, gainera. Horrekin

batera, bertso eskolak berak ere egin ditu ekintzak Aramaion (bertso txapelketa...) eta jende asko etorri zen (140 lagun, eta hori asko da). Esango nuke zaletasun hori nahiko azkar piztu dela, gainera. Eta zaila da horrelako zaletasun bat hutsetik sortzea, baina, Aramaion oso baldintza onak zeuden eta horrek fruituak eman ditu. **Maila altua ere badago, ezta?** Oso altua dagoela esango nuke. Umek euren adineko txapelketetan parte hartu dute aurretik eta oso maila ona erakutsi dute. Nik uste dut, gainera, datorren urtean igarriko dugula gehiago maila hori, sariren batekin etorriko direla uste dut. **Datorren urtean aldaketak igarriko ditugu eskolan, ezta?** Bai. Azken batean pausuak eman dira eta jendea motibatuta dago. Uste dugu autonomiaz funtzionatu behar duela eta momentuan baditu baldintzak. Hortaz, bertako jendeak hartuko du ardura. **Zelan ikusten duzu etorkizuna?** Oso ondo. Ez, bakarrik Arabako herri moduan piztuta dagoelako; eskualdeari begira ere emateko asko eduki dezake Aramaio. Uste dut, orain, Arrasateko Bertso Eskolako arima Aramaio dela.

"Manexen 'fenomenoa' dela medio, zaletasuna piztu da gazteen artean"

"Uste dut, orain, Arrasateko Bertso Eskolako arima Aramaio dela"